

生無非是佛摩那婆既是地界不成阿耨多

羅三藐三菩提亦非水界及火風界當成阿

耨多羅三藐三菩提摩那婆是故彼法不可得故不可作名字無有名字亦不可得而作名字諸佛菩提亦不可得而作名字諸佛如來亦不可言亦不可分別摩那婆不可言申汝今莫作如是分別言我當成阿耨多羅三藐三菩提也

十七末

大威德陀羅尼經卷第四

靡四

祁渠夷反  
觸體獨異二字反  
鞞胡音反

鐵鑊下胡音反  
鍼七亂反  
瘞病反

打捶陵打捶音反

具傳帶二字反

追追上直反

硬勁居政反  
委下之反

嚇許陌反

駱駝洛陀二字反

不不忘失乃至命盡於中二種根無明有愛復有二根名慰喻方便受渴愛發處阿難復有二種根名一和合集愛二不見渴愛復有二根名一無明愛二無明成就愛阿難復有二種根名禪定愛譬如優陀羅阿羅摩子若有如是受生之者將墮於惡道他亂渴愛不能

大威德陀羅尼經卷第五

靡五

隋善竺三藏法師闡那曇多華譯

此大神呪能令衆生出生辯才若有受持此大神呪於此處最爲殊勝當令歡喜決定生力爲自爲他復當得於四處無所缺減何等爲四一者口業清淨二者意念清淨三者

能斷疑網四者不作盡邊上生善道復當得四種不缺之處何等爲四一者當得持識二者現得受記三者於動亂時不生恐怖四者斷疑不滯彼復當得四處不缺何等爲四一語量中持六十三偈分量能以此隨順授與如法實作倍量受持所說法義所持法義永

知緣所言根者一切分異於中如來住已而爲說法戒及三昧有四根本彼等知已生於梵行苦集苦滅苦滅道聖諦

閻茶地一阿泥奚囉二婆婆娑哆毗逾三伊雲  
破盧四尼耶摩破盧五三目陀逾六毗蒲伽十  
後次阿難有非世辯之所和難如來壯算知

彼言說如來入已示現諸事比丘學已知言說處知所攝處知破戒聚知語過失知過去世增上語知未來世增上語知現在世增上語知婦人增上語知丈夫增上語知黃門增上語知一增上語知二增上語知多增上語知觀察增上語知細意增上語知比丘五種作法知初戒聚所出七事知所覆藏處知不可覆藏處知減省口業知妙善口業知捨離印以此言教成此義理世辯語言除滅煩惱持讀修習復有世辯名曰怖輪智慧成熟如來知已此陀羅尼修多羅文字句中之所繫屬若比丘持已巧知言辭知衆如法亦知時

節知語言住處以此語言當令安住彼之所作亦知說此言已彼無復辯復知彼處應當請問此處當問此已自知能決此事如是六處問已我等而當爲作報答亦復能知不應報處知問時節知任力處知問般若發果之處亦知四種作因之相住於彼處當共語論

不得亂語亦復不得欺詐於他不得自取亦復不得作毀他語若欲共他之所語論當住四處何等爲四攝有攝無無發語處現在無餘故欲作語言復住四處當作語言何等爲四不得瞋恚正心無倒方便攝取之不誹謗諸佛菩提具足成就八解脫禪缺作語言復住四處應當共語論何等爲四而不違背諸阿闍梨不說有我知衆住處及世間道之所住處欲顯示涅槃於彼之中何者世辯如如來於此修多羅句中之所宣說爲莊嚴彼義故降伏外道故有路伽耶多名曰阿羅多囉鞞罽復有路伽耶多名曰郁瞿盧伽羅迦利

逾復有路伽耶多名曰奚羅蔓多羅瞿復有路伽耶多名曰三摩多尼舍又般擣<sub>梵據</sub>此等四種路伽耶多事於彼之中妙行比丘若復觀見爲諸外道欲共論議來詣其所應作

是言長老汝何所須若彼當作如是之言我今故來欲共言論時彼比丘應語彼言汝當

用何印欲有語論爲當用戲論印爲當用問答印爲當用斷印爲當用路伽耶多印彼若聞已作如是言我於四印一亦不知時彼比丘應語彼言若欲言論無印論者不護語者欲作語論隨意出言而汝今者無印語業出自意言無有次叙汝可速去我不共汝平論

如是遮斷

閻那施一蘇摩都二阿奴摩都三阿句曼都波囉伏婆多八伊舍私鬚多九蘇尼口摩十

帝叉那摩帝十阿盧句二十阿提兒沙那

三十

復次阿難復有呪名曰三摸提多復有名毗舍荼伽名梨丘摩名籌憂般羅名彌多羅裟他名三拔陀名夜叉童女阿難彼等有守護夜叉五萬七千善守護彼等守護故彼夜叉等說此呪句然此呪句於間浮提中未

法事阿難有異比丘散亂心者如是法相不知方便無此口業能如法語若能斷者無有是處阿難若彼外道作如是言我已印竟不印印竟當作語言比丘應語彼外道言若汝無印即無爭論何以故汝口門印已若更不語即自破印而語若破印語彼名爲賊我不

靡五

三

曾流行諸天之中亦未流行自餘一切諸夜叉中亦不流行彼等如來已說守護此陀羅尼故阿難若有比丘比丘尼優婆塞優婆夷如是等處善轉利已持著身中當受持者彼當得地名曰普偏阿難問言世尊何者名爲普偏地處佛言所未曾聞諸修多羅中聞已

善知入方便智善知言辭知惡之辯知前根  
本及後義味知顛倒言知相續處非節斷處  
於千比丘衆中五百比丘非前後問辯答彼  
等當能受持順義相續善能解釋不失正念  
善能自護亦能護他得淨說意於瞋惡中自  
他得淨得正念心得正意得正行得正住得

淨心無能障礙亦不由他所行之處少病少  
惱無能伏者有來諮問能波無盡不多逆行  
雖在遠處多人毀咎若來對現即便讚歎如  
是之等不被毀辱未入王宮有人說惡若入  
宮已即便讚歎亦復當得衣服飲食湯藥所  
須種種諸事多人愛敬語言獎美先言問訊

靡五

不重方土所行之處多得利養若欲離者亦  
不言說如所去處任其自由若欲來者亦復  
隨順背去復來承事供給而不樂著何以故  
一向增長諸善根故諸衆生等於是法中生  
實想住令發心已而不破壞

阿難我念往昔迦葉世尊教法之中有一比

丘名曰婆摩婆陀那跋駁彼有此修多羅句  
陀羅尼法本時有五百比丘來詣其所爲陀  
羅尼故復有五百比丘尼復有五百優婆塞  
復有五百優婆夷俱來詣彼爲陀羅尼故阿  
難我不見彼二千人中乃至無有一人愛此  
陀羅尼法本者唯有至誠發心觀已背彼比  
丘彼等諸人是比丘所罵詈呵責阿難如是  
七反來詣其所還復背去不能習誦亦不受  
持阿難此陀羅尼法本難可修習如是難信  
如是多礙如是多有魔業此陀羅尼法本中  
難可得住阿難是故苦有善男子善女人欲  
自得利益欲自攝取諸善根故欲自破壞一  
切魔業彼諸比丘於此法本應作勤劬巧知  
說義若得此陀羅尼法本已不應放逸

復次阿難於彼法中何者名爲一欲於善法  
中應生欲心欲滅一切所有相故欲滅婬欲  
欲滅瞋恚欲滅愚癡應發欲心超過有結應  
發欲心於無欲中欲無欲事亦應當知於彼

靡五

法中何者是欲何者無欲言有欲者有結法  
中之所縛著言無欲者能滅縛又復何者  
是滅諸結縛謂四聖諦實事句故名爲聖諦  
於中苦名是苦聖諦彼所執著是故名爲苦  
集聖諦滅一切苦是故名爲苦滅聖諦八分  
聖道是出離處如是教授如是究竟如是門  
戶如是道路滅諸戲論故言苦滅道聖諦也  
此等四聖諦是諸聖諦故言聖諦何者諸聖  
三結滅故故言諸聖及住上地如實能知四  
聖諦義是名須陀洹不墮地獄畜生餓鬼彼  
間摩羅世亦終不作無間之業彼是見法佛  
子故言聖也作是語已長老阿難白佛言世  
尊是諸凡夫有聖諦不作如是語已  
佛告長老阿難言阿難但以語聲名凡夫人  
所說聖諦名然彼凡夫而非是聖亦非聲聞  
當知此是見法者言若聖若聖聲聞  
復次阿難我於今者爲汝作譬如有智者以  
譬喻故能知是義阿難譬如有人自不見彼

三十三天於他人所聞有三十三天阿難於  
汝云何彼人聞已即便知見三十三天以不  
阿難白言不也世尊佛言如是如是阿難有  
別凡夫聞說聖諦亦復不可以聞說故而言  
此是聖聲聞也當依波羅提木叉正行具足  
微細罪中見生恐怖成就學戒彼於是中亦  
不可言聖聲聞也以見法故名聖聲聞

復次阿難未來世中有諸比丘自恃有力以  
有力故憍慢愚癡不見四諦自作是念我是  
須陀洹彼等所作爲利養故惟教在家及此  
家爲當作是言仁等丈夫汝今已得須陀洹  
果仁者汝今不虛得人身此是真義於佛教

中彼等以聖言故則名聖聲聞當知是知於  
彼時中有諸比丘有深智者於空法中無所  
得者於空法中能巧知者彼等彼邊聞深法  
已而生恐怖當生悔沒當有迷惑然彼非丈  
夫者不能作如是念我等正是最無智慧煩  
惱所制不能自由於凡夫法而得自在聞甚

深法已而生恐怖如是阿難於彼時中妄語  
之人徧滿世間有高慢者還復教示高慢之  
人令彼人等於佛菩提而不信樂若有欲者  
彼等爾時爲人輕忽種種調弄種種呵責毀  
其名字以是事故爲人呵辱不聽彼人住於  
寺舍於彼時間若在家者及出家者染著魔

王以貪著已教示在家及出家人捨佛菩提  
阿難其佛菩提難可得知難可覺悟微細甚  
深唯有巧智乃能證知不可以彼破戒之人  
及墮願倒見者及無行者所能知耶於彼時  
中多有衆生爲欲所縛貪著躁動繞亂不定  
恐怖邪曲阿難於彼時中多有出家持世法  
者棄捨正法於彼時中多有出家在家作如  
是事彼等當沒此佛菩提以誹謗故阿難於  
彼時中有諸比丘在彼空閑蘭若處住彼等  
比丘多求利養愛樂名聞亦有比丘證入實  
際行者是等彼時爲他輕慢猶如破戒如是  
毀謗彼時出家者爲調善比丘等當至於俗

人邊說非善事俗人聞已則不親近亦不供  
養復不承事作如是念如破戒者如是彼實  
言比丘爲他毀謗自身知已當住空閑阿蘭  
若處阿難以是因緣於彼時中多有持戒比  
丘說真如者至彼邊壘人民之處此中國人  
不受佛教故知是彼時多取邪見捨離正見

五

阿難於彼時中若有能知一切諸法皆悉空  
者於彼人邊起外道想起邪見想彼等作如  
是論長老若汝今者作如是說一切諸法皆  
悉空者誰信汝言而今我等現於此處親自  
覩見彼來彼去彼與大施彼取大施若其爾  
者施者受者豈無利益阿難於彼時中或有  
衆生生欲心者彼等衆生少行布施少行施  
故自念我今是大施主作是念已則失大施  
以恐怖故則取尼乾諱論之義於說空者多  
生瞋恚捨佛菩提取尼乾諱論之義阿難此  
品名破壞散諱義

阿難若有比丘比丘尼優婆塞優婆夷於此

陀羅尼佛法本誦持攝受故彼爲攝受過去未來現在一切諸佛菩提提彼爲如來言說守護作圍繞眷屬如此佛菩提及法當令久住復攝受諸波羅戒者阿難是故汝今應好至心受持讀誦爲四部衆廣利益故阿難乃至今三千大千世界中衆生爲入最上最勝明地過去三藐三佛陀之所宣說我今亦說受持正法故亦不爲彼名聞利養故爲諸天勸請故爲攝受諸族姓子故難降伏者爲降伏故爲不羞慚者覺治罰故而說呪曰  
寫地夜梯曇一冊地末帝二比盧迦婆帝三波羅呵囉四迦吒捺嚩五捺囉末帝六比伽七比捕囉婆帝八黠茶九計遷帝十比利哂提十一訢具疎齊十二佛提十三佛陀末帝十四壹都彌十五晡利婆敷囉呵梨十六阿知多佛陀十七阿那伽多佛陀十八遷帝鬱般那佛陀十九臘山杓頭舍囉婆迦二十逾柘帝汝那伽僧伽二十逾卑壹阿那伽僧室遮帝沙提婆僧伽二十逾卑壹阿那伽僧

鉢提喜二十珠地多二十善地多二十三魔利多八十提婆阿提鉢多夜九十那伽阿地鉢多夜十三夜义阿地鉢多夜三十羅刹婆阿地鉢多夜三十躬槃荼阿地鉢多夜三十卑梨多晡多那阿地鉢多夜三十佛陀默利餘比那五十

靡五

阿難我不見若天若龍若夜又於此佛功德變化所說實化說已具足語言若有比丘能受持此陀羅尼若阿蘭若空閑處若露處欲作惡者彼時當有帝釋天王梵天王娑婆世界王及四大天王當作護助受持此佛菩提故阿難若有比丘比丘尼優婆塞優婆夷受持此陀羅尼法本後人即當攝受過去未來現在諸佛世尊正法教已如是等修多羅面門所說當善受持爲自護故爲護他故當自具足復能具足守護他人所有善根當得具足牢固之身復能具足牢固威力當得具足

普偏智慧當復具足普至口業當得三種清淨口業當得巧便知見之行當得如意當得具足如意攝受當得正行當得正意當得正住當得正念當得柔軟善持禁戒當得同行堅固善友當得善巧於法不疑當得決定滿足語言當得具足能破疑意當得具足普利

益智當得具足清淨廣智當得具足普偏際辯有四辯才彼於此處少用功力而得滿足彼所生處當得清淨不墮惡處供養諸佛世尊不多用功而得淨信以自辯才住如來前讚歎如來早得出家雖在學處而無毒箭受他供養當於半月證四辯才譬如上座舍利弗如來所說一切智慧最為第一般若波羅蜜故能為衆生作大福田譬如未來出上座末田底諸天人等皆來迎接以具足福德波羅蜜深佛菩提方便度已今多人住譬如未來有上座名阿濕婆迦多為最勝功德之所圍繞熾然如來所有教法以無餘涅槃而

般涅槃作如是語已

時長老阿難白佛言世尊我不知此如來教法有如是等大威神力諸比丘衆差我為佛世尊侍者我於彼時自言不堪作是語已

佛告長老阿難言阿難若善男子善女人求利益者假令雨火滿間浮提要當於中行過

爲聞如是大利益故我拔除生死及煩惱故阿難汝觀若有比丘有為此法寶生羨樂者彼於來世當捨彼衆生等知見示現福伽羅等能示現知見不空法於彼時中若有比丘勤修行者遠離如是所聞空法彼受具足二十夏已以凡夫故而取命終阿難問佛言世

尊彼等比丘有何具足

佛言阿難彼等唯有具足之名具足名已唯滿貪欲瞋恚癡有沙門印於當來世不得作佛阿難汝等應當勤捨我執及與疑悔應生歡喜踊躍之心此是清淨離欲盡際阿難如來說此出離之地汝等應當受持讀誦

佛告阿難二見具足不入涅槃何等爲二謂  
斷見常見何者是斷見此最後有從此後有  
當更無有有是名斷見所有斷見即是邪見  
以何義故名爲斷見彼如是見無有施報無  
遮會無有祠祀無有善惡及業果報無父無  
母無有此世及與他世無有衆生及化生者  
無有沙門婆羅門信正住者復作是見若此  
世他世自證神通自證知已向他廣說此間  
浮提所有衆生彼等一切以大利刀斷其壽  
命於彼因緣無有罪業無有來處作如是已  
不名作罪此間浮提所有衆生彼等一切善  
事尊重皆令歡喜若以供養若復奉獻若加  
受敬雖作如是無有福德無福來處雖爲如  
是不作福業不作罪業是名斷見何者常見  
此身常恒此身常住此身日日常有是身此  
身惟一無迴轉法此身不動此身住持是故  
此身無有中間斷絕之處無有損減無有異  
相無有別相無有衰老無有流轉無別歡喜

釋五

十

無有墮法無有破壞無別處生無有他有無  
有老處無有聚破如是唯常唯住唯樂唯日  
日有唯不屬他是名常見如是所有斷見所  
有常見彼等一切皆名爲見以得見故所謂  
邪見如是如來不說可得以不取故不生憶  
念不憶念故自入涅槃窮盡生際以何義故  
名爲盡生不過去生盡未來生盡不現在  
生盡故名盡生如是如來不得滅故說法不  
念故說法不念已故說法離欲故滅故寂故  
說法佛所說法彼非天非龍非夜叉非乾闥  
婆無有名字不可攝持不可得作語言名字  
爲賊繫縛滅貪欲故滅瞋恚故離愚癡故無  
有陰聚若於此法如是實入越度行信不沒  
不疲不住不悔彼是如來不轉還說離渴愛  
說離煩惱說若於是法身觸行已得名爲忍  
得鎰甲地得發業事當得遠離貪欲瞋恚  
中彼知作業差別無離彼知種種語言名字  
度鉢闍那帝一候帝闍那帝二鼻遲婆帝闍

那帝三瘦那闍那帝四味那闍那帝五吒跋  
闍那帝六多茶跋闍那帝七

所有此四聖諦如來知苦苦集苦滅苦滅道  
聖諦彼等名奧翹風吒名鼻翹風吒名三菩  
多名爲鼻浮多如是辯知種種言音知身過  
切知顛倒意道知生疑惑處知渴愛名

鼻鉢羅婆寫一鼻婆婆二鼻薩利鬚迦三陀

捨四訴訴摩五

當知如此所說智辯

奧迦一世羅二叉魔三趺利瑟吒四鉢邏  
邏五那婆六鼻地喻七帝嘻那八盧夜九羅

嚙邏十鷹豆曼十一婆那陀十二

第五

十一

當知如此智辯名字阿難若有比丘能知如  
是處彼第二四天下大洲世界中能知智轉  
善知書印巧知行行如是名字滿足法式滿  
足受記滿足憶念智慧法手具足凡所有物  
一切常滿如是二世界中善知言辭巧知名  
字勝智成就無能敵者能說正義所未滿者

能令滿足受取方便滿足百偈善能成熟能  
爲一切敷演解說如是正趣如是正住皆悉  
攝受而無有悔

佛告阿難別有二種二見具足不入涅槃何  
等爲二謂我見不定住見何者是我見言我  
見者若離諸陰而證知我復次言我見者若

見諸陰淨見樂見常若復見住見日日在復  
次言我見者取於我所當有我見

爾時尊者舍利弗白佛言世尊若取他想故  
有我見世尊若復然者應隨彼數所有他想  
還應復有爾所我想作是語已

佛告長老舍利弗言舍利弗汝爲何事作如

是語然此等法諸阿羅漢無如是義所謂我想  
他想舍利弗若彼他想即是我想舍利弗  
若是我想即衆生想舍利弗若婦女想即丈  
夫想如是眼耳鼻舌身意舍利弗若有色想  
即有我想舍利弗若有聲香味觸法想彼即  
我想舍利弗若有道想實想佛想法想僧想

第五

涅槃想彼即我想舍利弗如是種想如是種行阿羅漢無是故諸阿羅漢除於地想水想火想風想解脫想觀察想舍利弗於汝意云何頗有阿羅漢若來若去若住若坐若復經行語言想不舍利弗白佛言不也世尊佛復告舍利弗以是故汝應當知譬如世間

有二依處有中無中如是如是世間有無世間不離有無如是欲是世間不離欲是世間如是念是世間不離念是世間如是語言是世間不離戲論是世間如是思覺是世間不離思覺是世間如是分別種種分別分別是世間不離分別種種分別分別是世間是故我見有彼分別由彼不實以是故言一切見不實舍利弗是故佛說正見非見何故言正見無物分別故言正見誰物分別何等物不可得耶謂諸色諸聲諸香諸味諸觸諸法如是等物實不可得於無物中有所分別如來說彼分別是貪欲是丈夫欲所有彼欲彼物

欲諸煩惱欲於彼中有諸物欲彼即無欲彼中所有諸煩惱欲彼亦非欲何以故彼欲無常若無常者彼等非欲若無常中生於常想彼名我見如是不定住見即是我見我見者即是不定住誰所有見彼見即是不如所見不如所見即是邪見所有邪見彼即是我是名我見以何義故名我見邪見彼不實見於無常中分別爲常不如實知彼五受陰猶如聚沫如泡如談如芭蕉形如幻如寢於彼法中虛無在於不實法中所有染著分別我者染著貪執增彼欲求是名我見以我見故即生貪欲即生瞋恚即生愚癡若於空想生貪欲者無有是處若生瞋恚即生愚癡亦無是處如是如是生欲貪使故有我見復次阿難何者名爲不定處見不能曉了方便語故於處不定是即名爲不定處見又復何者不定處見所謂墮見不定處見何者墮見墮無智中是即名爲不定處見又復何者

卷五

十三

是無智處於苦中無智於集中無智於滅中無智於道中無智於業中無智於報中無智於業報中無智於緣生中無智於黑白諸法中無智於緣無緣諸法中無智於形影無影諸法中無智於有罪無罪諸法中無智於承事不承事諸法中無智於所有中無智無

見亦無有明不證智道不能穿徹不善巧方便是名無智從無智生疑從疑生不定處是則名爲不定見處言不定處者墮於惡中何者名爲墮諸惡中言惡者是不善因彼復當生阿鼻地獄或復墮餘諸地獄中是名爲墮若生於彼不聞之處若住彼處若住不停不

承事諸佛世尊不聞正法不見僧寶不取白法慢緩懈怠不得自在於諸蓋中常懷憶念是則名爲不定之處不定處中所有貪著不如實見住顛倒心是即名爲不定住處何故名爲不定處見無因緣故言不見故是即名爲無定處見後次無定處見者乃至唯有識

名具足惡義執受著義不觀察義著眷屬義如是等法諸句墮落墮已復墮不正墮故名分別故不定處見如是義雜語雜物雜言雜阿梨耶一鼻摩帝二摩頭三姿鉢羅首陀四阿木叉五帝嘻那六鼻婆劬七嚮盧八姤盧卑九伽羅姿默瞿婆十阿奴純失吒十一鼻摩

靡五

十四

帝鉢頭二十物陀你迦沙三十嚮豆留四十度除五十蘇留六十步留廿鼻偷廿鼻摩帝九遮迦囉十二呵娑帝耶二十鉢囉何姿帝耶二十那娑帝耶三十梨婆四十蘇蘇囉五十阿奴摩六十那七十提鼻呵咄八十阿那咄九十

如是等文字句味誦持受口

你失毗虱吒婆羅摩泥一波囉若鞞提夜二阿那摩醯嚮泥二阿伽嚮蘇尸梨虱吒鼻浮嚮泥四娑羅叉五阿伽囉婆嚮婆提那六鼻書地波囉七阿伽羅姿囉鉢囉婆囉擎八十復次說此傳受明月三十句之處身輪言輪意輪婦女輪丈夫輪天輪人輪刹那輪行輪

憶念輪聞生信淨聽受有力不詔曲心斷顛倒超出疑海增未來果不分別行般若智行所行憶念造作諸善惡鑿忍心不顛倒得無所畏善能攝受及與於辯才處分別見處其身勇健究竟口業心不濁亂難縛解脫擁護正法無諱闡根無有怨害言語奕媚禁戒無減少三昧無減智慧無減親近般若所求印就能誦受持二百偈頌出生方便當得值遇如是正法此修多羅句善思惟已當得示現如是功德當得如是功能增長

阿難五

十五

阿難是名除斷遠離分別放逸之見以一智當言無智者謂執著言語故何者一智當言

無智於有爲行中漏智生轉以彼一智當言無智爾時世尊作是語已慧命舍利弗白佛言出尊若有笨印徧巧書智醫藥等智種種方便智言教智巧智而彼諸智是諸衆生亦愛亦憶樂由彼求得受用果報世尊彼智寧復說爲非智作是語已

佛告慧命舍利弗言舍利弗彼智當有利益成就受用果報非諸如來所爲說如實法智利益舍利弗後次有智名曰阿婆娑羅舍利弗何者是阿婆娑羅智興造家事我相衆生相壽命相福伽羅相婦女相丈夫相地相水相火相風相眼相耳鼻舌身意相色聲香味觸法相及我所相漏愛偏滿等不等壽命施杖施刀施拳打撲施十不善業三不善根二十種惱一心煩惱貪著色欲貪欲執縛邪念思惟令心黑闇懷抱瞋恚巧器仗巧弓箭地巧威儀巧賣身巧詔誑他巧作惡業巧作執者我如是作彼如是我當作我當作此如是作已彼如是作已作如此已如是當有彼如是當有此如是如是漏業漏心及怨業及怨心不爲滅度不爲離欲不爲除斷不爲寂靜不爲菩提不爲沙門不爲涅槃因轉得轉勝因是名爲阿婆娑羅智因此智故今心濁穢地獄滿足畜生滿足閻摩羅卅滿足違背閻

處至不閑處如是此一智當言無智

十六

大威德陀羅尼經卷第五

靡五

郁於心反蔓莫官音擇持據反掣掣尺列反又漫莫官音

又莫等直流反此音紫軟躁則到墻音臺梯湯

半友等反他反捺奴達反蒲字躁反一音嘯詩忍訛訴

計反又他反

許斤鱸風二同所反晡布乎柘頤上音薰下音反下齊

竹告麌丘菊反羨徐箭音座瘦二並胡亨反正奧

魏上於告反跌捷結反寢夢慢緩上音下胡半晏反正純

經緯支反粗紬也不等者

大威德陀羅尼經卷第六

靡六

隋北天竺三藏法師闍那崛多等譯

爾時彼衆中波斯匿憍薩羅王有一筭師大臣名曰財主而來會坐即從座起整理衣服偏袒右肩右膝著地合掌向佛而白佛言世尊我以一錢爲初入於百千筭數於彼一錢

次第解入百千筭數已從彼一錢破作半已解入俱致百千筭數然世尊我有如是微細智慧寧復說言無有智也作是語已佛告財主大臣筭師言汝若取芥子破爲百千俱致分筭數分已於彼百千俱致分複作百千俱致分入筭數之分汝時於彼如是智慧應當無智作如是語已其波斯匿憍薩羅王白佛言希有世尊我等所於彼有智中生羨樂想如來今者說爲無智作如是語已佛告波斯匿憍薩羅王言大王諸佛如來不讚此智所謂有漏諸佛如來讚歎無漏智所謂滅諸有智一智當言無智

何者是一世間語言執著何者名世間語言執著世間語言者名字等智若有執著彼諸名字便生瞋恚是名世間執著名字是爲一智名無智者乃至彼智彼一切有爲若有爲者是即無實如是有爲語言無實亦無名字亦悉無實以何義故名字無實此名欺誑以